



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五六九

西園詩鈔八卷（詩鈔四卷遺編四卷附西園詩餘）西園文集二卷

（文集一卷遺編一卷）張擴庭撰

一

守默齋詩集十八卷（上集寄生草六卷下集東州草十二卷）侯家璋撰

七五

常惺惺齋文集十卷 錢世瑞撰

二二九

江南好詞一卷 張汝南撰

五六三

小詩航詩鈔三卷小詩航雜著一卷退鷁居偶存三卷 蔡聘珍撰

五七七

雲中集六卷 劉淳撰

七〇九

同治四年春鐫

西園詩鈔

墨苑軒藏板

南皮張海丞余分枝癸酉京地試得
士也嗣余視學湖北招之入幕性
不逐時好閱卷稍暇自課不暫輟余
愛而重之未聞其能詩也海丞以庚辰
成進士入詞館習為應制律賦八韵
詩旋乞假省覲未聞其散為古近

體詩也檄館改知縣作令川中屢遷劇
邑旋膺卓薦擢叙永同知己丑庚寅間
晤於京師一樽話舊偶舉磁州地震嘆
一篇音節如彈丸脫手余洒然異之海丞
蓋能詩者也余素不能詩幾乎遂失
海丞也滋余愧矣泊余由皖江還京師

海丞已奉諱家居服闋來見告余將復
出山余以仕學一貫之語厚相勸勉抵蜀
補原官書來言官途變幻若甚悔此
一出者夫平陂往復者時也仕久暫者
遇也恃吾性情以貞之而何所矯拂焉復
書以廣其意乃又逾年而計吾至矣嗟

二

乎以海丞之才而乃以於斯耶其孤葆誼
兄弟奉遺稿見示發而讀之詞清體潔
妙腕天成五言古摹寫蜀中山水可當
卧游七古豪健自喜律詩綽爾深款不
失唐人風範海丞之詩信能工矣至於論
蒙問俗視民如傷時流露之其他

印物興懷因端見道皆得溫柔敦厚之
旨窺君衷非僅欲以詩人見者而乃
設施未竟遽終天年則天道難論信未
可以一二推測也時余將併裝南歸稍
加刪定略道我兩人相知之概書其端而
歸之試質之擅長於詩者其以余言為

三

阿私所好否也

道光丙午八月五日嘉興沈維鐫序

粵以武城作宰言子游惟事絃歌單父臨
民宓子賤但鳴琴瑟良由化先禮樂以正
人心兼之詩道性情用宣天籟是以河陽春
滿潘安仁吟縣裏之花彭澤風清陶靖節
詠門前之柳會逢山水必吐宮商豈為民人
遂荒誦讀海丞前輩以南皮之望族負

北地之才名黌序蜚聲木天翔步所惜
瀛洲鳳去人嘆謫仙須知蜀地鳬飛名傳
生佛脩膠庠之孝弟勸父老以畊桑家
被春風戶歌冬日劉寬之典列郡但示蒲
鞭董宣之令洛陽不聞桴鼓宜手衣增五
袴人懷扶輿之恩穗秀雙歧天示嘉禾之

瑞矣說者謂郡齋清冷迴殊翰墨之場官
舍蕭條絕少江山之助一行作吏遂廢謳吟
五斗折腰孰親筆硯豈知由來循吏半
出儒林自古文人不皆隱逸王筠之一官
一集寄吏職於篇章白傅之編月編年
紀官遊於沙歷令海丞前輩現宰官

身而說法操大手筆以揚芬雖撫字心
勞常拋鉛槧而行春事暇不廢吟唔用播
洪音時抒偉抱觀風問俗詠民事之艱難
茹古含今寓壯懷之磊落笑昌谷之險語
牛鬼何為比樂天之清詞老嫗能解洵中
和之雅樂為正始之元音方期譽播人

間雞林價重詎料文脩天上鶴馭魂歸且
夫光陰者過客之逆旅也文章者才士之
精神也椿菌之年何分小大風雅之什永
壽河山向使數桃李之無言等蓼蕭之
不谷鳥皆反舌何以鳴春雷若收聲誰為
告夏草生池畔不聞靈運之吟楓落江

三

頭莫摘信明之句即令還丹服液得同仙子
之齡延其如擱筆題糕終笑劉郎之腹儉
何若寄情比興播諸謳歌屬意風詩傳之
金石吏事縈心之暇便擬尋章塵勞鞅掌
之餘惟勤問字循聲玉著姬惠愛於龔
黃詩卷長留吐光芒於李杜我是為序

侍生京江張錫庚星白氏拜撰

南皮張海丞先生與先君同舉癸酉北闕
後捷南宮入詞館旋居散館改官蜀中歷
宰鉅邑有神明之頌楷

先生為年家子而未獲親炙蓋限於世稍遠
而地相去也迨楷守軍懷道詰嗣牧皋太令
未宰安昌又與楷為丁酉同年相見契洽
每於把晤時各述世好信手書火之緣深也今

春牧皋集我

海丞年丈所著刊為一編名曰西園詩鈔
楷受而讀之其詩之澹雅自狀發於天籟洵
不待後學更為揚詡獨幸楷與牧皋重
疊世誼茲得窺其作室之存雖雲中片羽
不啻世上景星矣敬綴數語用志仰懷

白下年愚姪胡嘉楷謹跋



題詞

登瀛初現宰官身湯說蓬萊跡
已陳以續者歸循吏傳又招侯
筆此訪人

琅玕琢句新為章古調新聲
公擅長恒在涸源汲派楷之遊西

戶院花雪

丁未臨陽荷下

佈世生張繼存題



西園詩鈔卷一

嘉興沈鼎甫先生選定

南皮張擴庭海承著

退食吟

男葆

謹牧皋
誠虞階校字

道中感懷

昔年南去謁親闈歲月幾週又曰歸旅邸光陰隨雁過客中環
夢逐雲飛杜公彩筆名初就葉子斑衣願已違何日寸心同寸
草三春常此傍朝暉

卷一

紅樓遺址

西風十里藕花香欲覓紅樓蹟已荒剩有淺溪下鵲橋更無清
夢到鴛鴦芙蓉綽約雲裳麗草樹遶離水樹涼落日波明青鏡
裏當年曾照美人妝

落花蛺蝶圖

春花明春月皎不見月影上花枝但見落花粘碧草草上顰脂
零落香玉簪奴子雙翅忙杖頭返魂竟無計煙綠南園空斷腸
空斷腸終何補拍紅牙歌金縷

玉泉山紀遊長句十二韻



卷一

蜀道難

引回蓬島已經年又向夔陵訪玉泉閬苑漸成身外夢名山好
結客中緣岡巒待我如相識水木依人覺可憐鐵槍峰嶺蒼蒼
裏丹邱隱約碧雲巔橋痕半側溪毛挂峽道潛通石乳懸窟有
靈源滋綠茗池環佛座長青蓮寒濤隔嶺疑飛雨濕翠沾衣欲
化烟樹老恰宜清鶴唳洞深不禁蟄龍眠一灣芳草鋪茵坐北
里松花蠟屐穿蘿月斜迴峯影瘦竹風倒落聲聲圓問僧夕話
菩提境危閣宵參自在禪寄語鸞臺筆侶景純今亦擬遊仙

二

中盤復盤有時窮谷走上視天光若壺口有時絕頂行迴旋足
底烟雲生最是山腰一綫險側足蟻附息俱歛仰戴墜石俯懸
崖炫眼金花生閃閃此地由來途路窮胡爲使臬中原通假如
荆榛永隔長安道一桁雲山自相保世上紅塵吹不來風光皆
似桃源好多事至今惱五丁青山半鑿山仍青徒令五千里外
客坐對層巖愁杳冥願致夸父王並招愚公來爲我盡情刻却
峯巒勢一闢萬古鸞鸞開

黃鵠

黃鵠含野性空山自栖遲一朝入樊籠素心難再期促我當客

舞節奏要合宜偶爾矍鑠立輒爲世所咄乘軒亦云貴總負出世姿悵望崑崙邱瓊花方滿枝

黃氏一老人歌

白鶴爲騎龜爲牀千秋萬歲殊荒唐南天親見星煌煌黃家兄弟純嘏常合計壽數不可量一百七十六星霜阿兄兒齒鬢復蒼阿弟駐顏顏色光兄先弟後排雁行金昆玉友常相將八公九老各異鄉安似連枝花萼芳碧城縹緲遙相望人間鸞鳳雙翔翔藉問延年持何方二老爲余言之詳人生壽命皆延長鑿開太璞神斯傷我惟作息安農桑澹澹悶悶機心忘君不見桃

卷一

三

李花榮蹊徑傍落紅轉瞬隨風颺又不見竹筠百尺春無香歲寒還見青琳琅返璞歸真身自強焉希金鑿開丹房我聞此言心寫藏穆然神志遊羲皇不忤不求吾用藏固應百歲綿餘慶更持此語播唐昌願與吾民同期壽而康

秋穫

十里龍枝取次刪連枷響徹碧雲間登場玉粒攤筠簞繞屋香莖壓竹闌鳥爲穀豐聲亦樂牛緣稼畢意俱閒鄰翁相約酌新釀籬菊開時其往還

暮雲

雲影夷猶夕照殘淡紅輕碧漾微瀾甘霖徧野渾無事現作堯天商采看

留別崇甯士庶

撒手煙霞下玉京宰官身現錦官城便教頭換冰銜冷依舊心如水樣清袍笏爭看新令尹管絃猶識舊書生年來訟理閒無事花影當窗一卷橫

堂上同聽宓子琴無端又奏別離音宦場馳逐非吾願民志瞻依繫我心捧到檄書人若失指來潭水意同深竹陽東去千餘里兩地相思定不禁

卷二

四

卧轍紛紛喚不開幾番揮手重徘徊長官皆有撫民任衆庶何煩遮道來樂育我慚恩未徧養恬人自術能賅甘棠舊蔭兼新蔭看取春風一徂哉

黯然一別重傷神人到將離倍覺親杯酒纏綿滋味永河梁依戀性情真與歌豈必緣官好直道從茲見俗醇寄語後來賢令尹莫將刁傲說吾民

又留別諸生

幾輩同心臭若蘭贈言還自發長嘆文如好女時花易品似美人香草難持已須防清夜覺要人當作景星看他時學行皆醇

茂不枉琴聲一座彈

留別諸父老

帳祖東門別路賒爲君一語聽無譁
忻余蒞任同安堵願爾長年總克家
好向兒孫課耕讀莫將雀鼠誤桑麻
探風他日軒車過第一教履

聖所嘉

再寄崇甯士庶

仕久難爲別別久難爲思一思一黯
然孰能忍置之憶余初改澠洲步書
生情態還如故律條治譜雨茫然獨
恃此心相調護

卷一

五

吾民知我迂穿屋穿墻不忍誣吾民
知我拙同安鳩居無言說曉日桃花一
縣春大家叱犢綠楊津鄉村間有來
城客幾個公堂負米人秋來怕折河干
柳十里離筵拂綠酒官民宛似一家
親殷勤父老同攜手嗟予何惠及唐
昌來日謳吟去不忘以情感情情可見
誰謂斯世非義皇即今西望關山杳耳
邊驢歌聽未了竹陽城外月痕斜一夜
相思正渺渺

大雨

乾坤忽已嘖動地雨聲來雲吸一天
水山殷萬壑雷等閒見湖海咫尺失
樓臺卻憶神魚躍龍門早洞開

聽雨

庭前灑灑澗煙莎池上冥冥響菱荷
青雨一般生物意聽來總覺水邊多

雨中紫荊花

丹砂和露團成紫紅粉調脂鏤作花
已向夏初奪春豔還從暮雨逗朝霞
啼來湘子痕留頰落後楊妃影隔紗
更似酒酣渾欲睡靚妝嬌舞綠雲斜

影

問遍梅花踏遍苔回頭却見影徘徊
蕭齋最是卿憐我還約宵

卷一

六

深月下來

秋夕納涼

修竹當窗樹繞廬官齋寂靜似山居
一簾月影停琴候四野歌聲穫稻餘
鶴唳漸知衣露重茗香微颺篆痕疎
龍鬚七尺涼如水卧看雲羅自卷舒

山行

桃源不能到此境亦悠然水與石爭
地雲攜山上天松聲全作雨草色總
如煙忽聽午鷄鳴人家何處邊

晚眺

薄暮展良觀迢迢步野畦霞光銜日下雲氣壓山低遠樹沒如影間花香過溪荷鋤人語近村路望中迷

退食

退食足閒情庭階似水清澆花存雨意城竹得秋聲書勢蚓能寫吟懷蛋自鳴品茶人坐久涼月上東楹

秋霽

平林宿雨收景物望彌幽遙嶺蕩空翠澄波生遠秋炊煙穿樹出樵唱入雲流三弄風前笛何人正倚樓

贈陳香伯茂才

卷一

七

徧栽桃李向春風無已銀毫寫最工幾度論文渾不倦碧蕉窗下夜燈紅

驂騎千里不凡才還向鹽車問道來記得日華金影耀秋風高處是蕪臺

貓

花陰睡起獨徘徊嗅遍青荷踏遍苔欲向閒庭尋黠鼠主人折柳貫魚來

丙戌冬季代辦綬郡提調書懷

無分簪毫住上台卻教棘院暫相陪觀容已使監軍出騎劫何

煩代將來笑我鉛刀懸列肆看人冰鏡倚高臺連宵聽鼓心情懶腐鼠當前莫浪猜

辭提調旋署各屬生童挽留甚殷因賦詩誌別

鎮院沈沈角鼓催一班佳士藉追陪攀稽偶結同心契借寇翻勞衆口推知己乍逢增慷慨浮蹤無據轉徘徊明朝柳岸搖鞭去爲憶蘭芬首重回

留別竹邑士庶

秋鴻跡靡定春鶯聲屢遷雪泥與雲樹處處魂夢牽憶予職撫字私心頗拳拳勸士廣學校鳩民登陌阡頑梗偶一見威之以

卷一

八

蒲鞭豈曰俗難革深慚教未先出門遇餓者貿貿而來前不敢問疾苦汗顏心自煎補災與賑賈小惠亦戔戔杜公有大厦斯人庇萬千誰司牛羊牧詎得言無權去莠欲苗植拔茅思茹連惜有水壺願而非金鏡懸鼠牙與雀角常恐墻屋穿處置一不當數日心忤然歲月其陶涿屈指逾三年官民日以洽情如蟻慕羶新令知遵守舊染消除滯開誠布公道相見皆以天方期都人士久與爲周旋清風吹座隅琴聲忽改絃臨歧心鄭重欲去且復延士習雖云好詩書宜鑽研匪謂工蠲祭徒誇腹便便經術卽世事載籍非陳編讀書觀大義得魚而忘筌努力青雲

上抗志希古賢吾民亦何屬宅宅佃爾田侈靡非所向淫佚應
其捐勞思善心生所以謀安全在昔喪亂時四郊森戈鏃登砦
互相保再食無稠饘擴清甘餘載

皇仁荷陶甄朝汲芳池水午耕綠野煙雞犬亦閒適日晏猶得
眠鋤耨色勿變乾饌德罔愆蓬禾山自作禍患何有焉此言勝
金玉爾曹各勉旃毋惜別意善所希上理宣春柳何裊裊春草
何芊芊仰視浮雲影飄揚飛式邁班馬嘶長風僕夫拂錦韉握
手不能去中腸結繚綿人生如旋磨相見會有緣倘令驅車過
話舊梅村邊

卷一

九

白蝴蝶

錦窠仍抱素心遊蟻綠蜂黃見欲羞雅愛綺羅同雪潔微添脂
粉倍風流梨花亂落渾疑夢柳絮輕盈不解愁好是美人庭畔
立翩翩飛上玉搔頭

黃蝴蝶

野田無際菜花香蝶子飛飛並染黃豔色宜分金谷麗弱姿翻
怯葭衣涼柳陰公子春同夢梅額佳人曉罷妝惆悵西園秋易
老蕭蕭落葉下林塘

綠蝴蝶

黑蝴蝶

鳳子翩翩似美人綠裙輕嬾損痕新淩波乍去渾無迹踏草閒
來信有神彈鬟依微留黛影柳署纖細逗芳辰劇憐金谷繁華
日上斷風流一院春

栩栩莊周夢境賒漆園生小是儂家來從元圃春無迹飛上晶
簾玉有取守黑任教新粉退渾繻不爲軟塵加烏衣公子休相
妒香國煙沈影自斜

花魂

卷一

十

環珮珊珊玉有音等閒飛出漢宮深脂痕黛色都無著綠恨紅
愁總不禁飄蕩每隨輕絮影蕭森常住碧蘿陰爲憐栩栩花間
蝶夢遍名園何處尋

余丙戌行春戲作蝶詩四首香伯令畫師點綴成圖錄唱
和諸章於上因復走筆賦此

陌上花花間蝶芳魂一筆總勾攝鞭絲帽影春風香位置我生
何安帖憶昨走馬東山東韶華過眼惜匆匆阿誰寫出煙霞趣
雲藍爲約東君駐披卷春光在眼前綠楊如霧花含煙遽然一
覺莊周夢我與蝴蝶同翩翩圖中之我我何樂滿身紅拂細桃
夢思量塵事紛無窮願儂常伴畫圖中

烈婦行 達州刺史洪芑塘之姪婦

張枝作啓徵新詩下筆慘淡風淒其讀罷淚迸忽如雨海天漫
漫起愁思節烈婦忠義臣五百年來得兩人義我信國公河嶽
秉至性不圖洪氏陵後先相輝映欲死不敢死趙家塊肉安冀
此欲生不忍生宋脈已斬鴻毛輕假令梁木雖壞珠樹猶未捐
掘孤尚賴歐母賢天欲特著苦節苦不顧千家萬家雪涕澣設
奠告夫延宗託嫂黃鵠一聲天荒地老是時觀者皆傍徨親戚
跪勸羅酒漿勺飲不入志難挽陰森六月飛雪霜烈婦於六月完節噫
嘻范姬割鼻李氏斷臂羌慷慨以捐軀疇從容而就義今古完

卷一

十一

人有幾多請君焚香重讀正氣歌

山行所見

分明峯頂亂雲飛絮影團團近卻微踏徧石根無覓處雨痕翻

自別山歸

題錢茝亭小照

風引脩篁露滴蘭碧陰深處煮龍團俗情不入先生抱清福能
歸我輩難心有壺冰神愈朗曾無城府地俱寬池波綠淨鬢眉
鑒人影荷香取次看

蕭然兀坐是吾廬公之齋名不課科條只課書鸞鳳聲隨雲氣上芙蓉

蓉光照日華初人生至樂無過此宦局閒情併付渠我到亭邊
爲游囑芳蘭玉樹滿階除

爲劉紹庭題方朔偷桃園

曼倩爾本崑崙精金門偶留執戟名千秋萬歲光不滅安庸仙
餌資長生大道不隔天與地靈氣往來恣游戲蟠桃攜取如探
囊世間豈復有難事想見瓊華琳宇間瑤幹千尋信手攀羽童
玉女不敢阻拍掌其笑頑仙頑卻憶武皇開甲帳珠旗翠葆森
相向青鳥西來尙寂寥白波東望空惘惘當時臣朔列帝官索
米不與侏儒同朝市未識大隱意侍近應知明主衷此桃啖得

卷一

十二

可不死曷先王母奉天子無亦內傳終荒唐金丹一粒巧相授
方朔得桃爾莫誇天台尙有劉仙家劉郎一去春如海灼灼香
紅正發花

採蓮曲二首

採蓮坐船頭妾影波上浮纖指爲彈碎恐令花見羞
低頭弄蓮葉雙鬟忽在水含笑罵碧流學儂胡爲爾

妝竟

妝竟倚東風百花不敢紅祇憎明鏡裏尙與妾顏同

東園

種得芳園菜數畦官齋東畔女牆西閒鋤小草開幽徑曲引流泉注碧溪繞屋不嫌花樹密當階雅愛豆棚低夢回茶篆香飄候聽微竹間山鳥啼

乙酉閏中校試作

冰壺朗朗玉堂尊小住清虛也是仙結課已澄今日慮論文還續舊時緣深沈桂院聞香早縹緲瓊樓得月先一枕秋心涼夢穩紅塵不到大羅天

題左綿少府費子器相馬圖

人非豪俊無能跌宕馬非驕馴無能奔放騎人駿馬兩相遭遇

卷一

三

爽英姿氣並壯君負磊落不羈之奇才昔曾過都越國奔軼絕塵埃廿年銜齋作吏隱手撫髀肉空徘徊馬兮馬兮相爾殊相逸發天骨開張試簡偉於渥洼之國即効功於沙漠之場翺若鴻驚矯如龍翔瞬息千里其鋒孰敢當今茲率來畫堂側雄心欲展展不得鈞金爲其飾束芻爲其食驤首概已低舉足徑逾仄况復羈轡牽制多安能盡爾蟻略聳擢之全力馬兮莫嘶人兮莫悵曾有具隻眼而來者且駕乎伯樂方臬而上

題左綿廣文褚芝田長城勒馬圖

男兒經年局促庭戶間馬迹不曾周九塞安得胷中有奇氣足

以開拓萬古之心顏褚君意態何蕭灑獨坐驛壇擅風雅橫掃千軍筆陣開倒傾三峽詞源瀉高標卓犖烏能然自言曾走長城馬長城嵯峨青海邊天作長壘割幽燕黃沙白草少人迹胡馬蕭蕭嘶暮煙徒聞漢驍將請纓心膽壯手縛左賢王勒石燕然上今日承平無復事戎韜偉抱經綸空復高秦漢雄圖尙在眼披拾詩料付吟毫亦足快稱人中豪歸來高宴書堂北親友舉觴詫奇特仰視秋鴻塞上來眉間猶動風雲色

野人以瓜米來獻賦此贈之

野人蠻槥獻新來爲說殷勤手自栽吾豈匏瓜能繫此時予已得瓜代

卷一

古

念他粒米亦艱哉懷清坐對冰紋寫餐素羞看玉屑堆相餉更兼相警意拜君嘉惠幾徘徊

綿州留別

淡煙香木古綿州又是鴻泥一度遊雨水迴環圓似鏡孤城斜抱小於舟閒行不擾桑中雉久住兼馴沙上鷗他日仙人橋畔過兒童應識舊鳴驄

短長亭畔敞離筵駐馬相看益黯然每憶陽城慙撫字湯勞歧路共留連驪歌斷續浮雲外鶴影離蹤落照邊我過河梁重寄語數聲擊壤是堯天

叙永衙齋高敞山川景物畢列目前喜而賦此

屏幃重重雉堞連樓臺高踞翠微巔
遊便擬窮千里咳唾真疑落九天
江色涵空搖壁上嵐光和雨墮窗
前蓬萊門外層城路風景端應住謫仙

珠簾高捲郡城東月殿雲階訝許同
四面漁樵隔蒼靄一家笑語在晴空
依山樹色參差綠近水燈光上下紅
莫遣虎頭來過訪時汪少尹善書被他描入畫圖中

春日送席蓉舟少尹解組東歸

許丞重聽本無關公以耳聾去官自願烟波逐白鵬
遊興便從今日起

卷一

吉

名場難得此身閒琴聲尙繞吟邊樹
帆影重經夢裏山最喜鱸鄉味好
季鷹曾不待秋還

市朝吏隱幾經年一旦投簪益灑然
漫說陶潛憶松菊本來梅福是神仙
江頭夜雨桃花漲樓畔春晴棣華鮮
令兄時亦博得予告家居餘金醉鄰叟風流誰繼二疏賢

聽張壽軒副將談舊日戎務

曾馳怒馬逐妖酋颯爽英姿孰與儔
長嘯一聲天欲裂萬人爭拜小桓侯
公有小桓侯之目又陪登斗姥閣觀丹崖形勝

搜尋虎踞與龍蟠百尺樓頭眼界寬
孫武韜鈴諸葛算錦囊金鎖漫同看

周月崖茂才敘永高士也種菊滿籬
灑然得淵明真意見惠數本置之崇
蘭修竹外燦燦金華幽香拂袂掇英
露其間亦足當陶家三徑也爰賦五
古以答雅意時辛卯重陽後六日

山閣寒翠來秋色正滿灑徘徊離落
間採菊不盈把是誰分墮英移植修
篁下風格寒愈道露華淡猶瀉念我
有老親延齡助純敬念我非俗吏夙
抱素心者跡與幽質親景鮮游氛惹
夕照

卷一

六

影離離清懷聊共寫我思甘谷泉
君憶柴桑社晚節香更饒庶同泛翠
竿

題洪旭亭先生遺照公曾爲井陘令

吾家畿輔南徽猷夙企仰不圖二十
年復瞻畫中像鬱鬱松竹陰落落烟
霞想雙鳬何逍遙獨鶴恣來往泠泠
石上泉漱玉激清響解囊揮綠琴古
調聊自賞襟期雲共閒眉宇月同朗
焚香對茲圖英姿何颯爽

春柳歌

蜀江楚江多春柳春柳處處拂馬首
君行楚江邊柳亦隨君弄

春烟春烟輕春日煖柳花零落天不管

芳草歌

泰山楚山多芳草芳草隨君處處好君詣楚山東草亦隨君舞
春風舞春風醉春酒芳草思君君知否

明月歌

山上山下皆明月明月照君俱清絕君作滄江遊月亦隨君入
客舟客舟發涼夢醒前洲曉月尚亭亭

春風歌

二月三月多春風春風隨君處處同君泛綠波際風亦飄飄吹

卷一

七

征袂吹征袂送行舟春風何日復來遊

以上皆送行之作偶見太白集有此體妄擬爲之又題一

絕

遙離誰是謫仙才依樣葫蘆亦費猜莫是莊周與蝴蝶夢中栩栩並飛來

宿山家賦贈

仙居不羨武陵源雞犬雲中別有村石氣空青常繞戶泉光飛
白恰當門義皇幾處留風俗綺皓於今結弟兄柏子香深入坐
久更添活火倒清樽

夜過流沙尾望城中上元燈火

縹緲雙城蔚紫煙傾頭遙望倍鮮妍五更霞爛雲中海萬顆星
攢地底天幾處燈輪爭上下誰家簫鼓正喧闐華堂定有魚龍
戲簇簇銀花落綺筵

題謝柳坡明府歸田圖

士人伏處名不彰烟霞痼疾白雲鄉丈夫功成身不退萍梗浮
沈陸海內謝公偉器國之華十年栽遍河陽花霖雨蒼生願已
遂幡然揮手去天涯雲棧縈紆度劍閣長風萬里連沙漠收拾
詩料付錦囊意態雄傑眼界廓團團樹影抱柴關陶令歸來五

卷一

六

柳間猿鶴迎人訊舊約林壑得主增清顏某水某山昔弋釣杖
藜行處足吟眺冷冷石上撫鳴琴猶似丹崖舊時調吁嗟乎薄
書倥傯勞其身安似田園意趣真江邊鱸魚江上莼秋風颯颯
歸思新何當築栗里著葛巾灑然高卧北窗下與君同作羲皇
民

又五律二首

不爲簪纓束幡然返故關十年懸鏡理萬里抱琴還亂石他鄉
路斜陽舊國山林間猿鶴侶應識曩時顏
扶疎蔭榆柳三徑未全荒邱壑主人識衡門稚子望關情盟白